

玉

海

九十八

玉海卷第一百九十九

浚儀王應麟伯厚甫

祥瑞

動物

鳳 祥禽

黃帝鳳皇翔庭 銜圖 巢阿閣

淮南子黃帝治天下鳳皇翔於庭

律之初生二皇鳳寫鳳之音

至於庭

伏羲神農

三代鳳止於門

堯舜禹

周室鳳至於澤德

彌澆所至彌遠德彌精所至彌近

韓詩外傳黃帝

問天老鳳象對曰鴻前麟後龍文龜身燕頤鷄喙帝

齋於殿中鳳皇蔽日而至帝再拜稽首皇天降祉不敢不承命鳳乃集東園棲梧桐食竹實天老曰國安其主好文則鳳皇居之今鳳皇翔於東郊而樂之其鳴音中夷則與天相副

說苑同

白虎通曰止於東

園

選注引禮瑞命記鳳止帝園

春秋緯合誠圖

黃帝遊雒水上與大司馬容光等臨觀鳳凰銜圖置帝前帝再拜受圖

帝坐玄扈注石室名

尙書中候

握河紀曰堯卽位七十年鳳凰止庭伯禹拜曰昔帝

軒提象鳳皇巢阿閣

見春秋正義又云黃帝鸞鳥來儀

中候

詩正義

元命苞云鳳皇銜圖置帝前黃帝再拜受 帝王世

紀黃帝坐于玄扈有大鳥體被五色三文蓋鳳也

宋志黃帝黃服齋于中宮坐于玄扈洛水之上有鳳
皇集不食生蟲不履生草或止帝之東園或巢于阿
閣或鳴於庭其雄自歌其雌自舞麒麟在囿神鳥來
儀五十年秋七月庚申天霧三日三夜晝昏黃帝以
問天老力牧容成曰何如天老曰國安其主好文則
鳳皇居之今鳳皇翔於東郊而樂之其鳴音中夷則
與天相副天有嚴教以賜帝帝勿犯也霧除遊于洛
水之上見大魚魚流于海得圖書焉龍圖出河龜書
出洛赤文篆字少昊登帝位有鳳皇之瑞高辛氏使

鼓人拊鞀鼓擊鍾磬鳳皇鼓翼而舞鳳皇仁鳥也其
鳴雄曰節節雌曰足足晨鳴曰發明晝鳴曰上朔夕
鳴曰歸昌昏鳴曰固常夜鳴曰保長

少皞氏鳳紀

左傳少皞氏鳳鳥適至故紀於鳥鳳鳥氏曆正也注
鳳知天時正義運斗樞云天樞德見則鳳皇翔

少昊氏赤燕

田俅子赤燕一羽飛集少昊氏之戶遺其丹書拾
遺記黃帝時祇支國獻重明鳥瑞應圖黃帝習樂
崑崙有玄鶴集其右堯時青鶴音中律呂

堯鳳巢阿閣

荀子解蔽篇詩曰鳳皇秋秋其翼若干其聲若簫有鳳有凰樂帝之心此不蔽之福也注逸詩也帝蓋謂堯也堯時鳳皇巢於阿閣

堯鳳皇負圖止庭

春秋合誠圖堯坐中丹與太尉舜臨觀鳳皇負圖授堯赤玉爲押黃玉檢白玉繩其章曰天赤帝符璽五字揚子鳳皇踰踰匪堯之庭宋志堯在帝位七十年鳳皇在庭

舜鳳皇巢庭鳳皇來儀

書益稷簫韶九成鳳皇來儀 宋志舜卽位鳳皇巢
於庭 書帝命驗赤鳳來儀服虔云貌恭性仁則鳳
皇來儀 晉傅咸賦感聖化而來儀兮讚簫韶於九
成 中候帝舜曰朕惟不乂百獸鳳晨注百獸率舞
鳳皇司晨鳴 魏志注舜禹有天下鳳皇翔 書大
傳舜好生惡殺鳳皇巢其木 劉向傳舜命九官眾
賢和於朝則萬物和於野故簫韶九成而鳳皇來儀
山海經丹穴之山有鳥名曰鳳皇自歌自舞見則
天下大安寧 郭璞贊鸞翔女床鳳出丹穴拊翼相
和以應聖哲

舜三足鳥

古今注抱朴子虞舜至孝三足鳥集其庭 漢章帝
元年鳥生三足色赤 鳥三足陽數奇也 典引三
足軒翥於茂木

湯白鳩

宋志白鳩成湯時來至 魏黃初初郡國十九言白
鳩見 晉太始八年五月甲辰白鳩二集太廟南門
太康二年七月見太僕寺四年十二月見安定

湯黑玉

商頌疏中候雒子命云天乙在亳東觀於洛黃魚雙

躍出濟于壇黑鳥以雒隨魚亦止化爲黑玉赤勒曰
元精天乙受神福

周鳳皇銜書 鳳皇歌

宋志文王孟春六旬五緯聚房後有鳳皇銜書遊文
王之都書又曰五星聚房昭理四海周公旦攝政七
年制禮作樂神鳥鳳皇見冀莢生麒麟遊苑鳳皇翔
庭成王援琴而歌曰鳳皇翔兮於紫庭余何德兮以
感靈賴先王兮恩澤湊一作臻于胥衆兮民以寧琴操成王
著儀鳳之歌古今樂錄成王時鳳皇翔舞作神鳳操曰
鳳皇翔兮於紫庭云云尚書中候周公太平制禮

鸞鳥見周書王會西申以鳳鳥鳥者戴仁抱義抱

信歸有信氏羌以鸞鳥巴人以比翼鳥方煬以皇鳥

方人以孔鳥拾遺記成王四年旃塗國獻鳳雛載

以瑤華之車駕赤象至京師育於靈禽之苑及成王

封泰山禪社首文彩炳耀昭王二十四年塗循國獻

青鳳丹鶴騫霄國有黑鳳說文成王時氏羌獻鸞鳥

青鳳丹鶴周鸞鸞鳴岐山說文成王時氏羌獻鸞鳥

元命苞武王受鳳書之紀國語內史過曰周之興

也宋志鸞鸞鳴於岐山注鸞鳳別名詩云鳳皇鳴矣

于彼高岡其在岐山之脊乎選嵇康琴賦舞鸞鸞

於庭階李善引國語周文王時鷺鷥鳴岐山景福
殿賦翔岐陽之鳴鳳注引鷺鷥貞觀政要魏徵上
疏昔周文王遊於鳳皇之墟襪系解顧左右莫可使
者乃自結之周文之朝盡爲俊乂書正義卷阿歌
成王之德其九章曰鳳皇鳴矣于彼高岡鄭云因時
鳳皇至固以喻焉

周文翰

爾雅注逸周書曰文翰若彩鷄成王時蜀人獻之

漢志管仲曰古之封禪西海致比翼之鳥

爾雅謂之

鵠

書目師曠禽經一卷晉張華注按康成釋深衣

疏謂其語出禽經今此書無有 東京賦鳴女牀之

鸞鳥舞丹穴之鳳皇注女牀山名在華陰西六百里
山海經曰女牀之山有鳥狀如鶴五色文名曰鸞鳥
見則天下安寧丹穴之山有鳥如鵠五采名曰鳳皇
飲食自歌自舞見則天下安寧 穆天子傳仲秋丁
巳天子射鹿于林中乃飲于孟氏爰舞白鶴二八

周赤鳥 白雉

中候周紀武王渡孟津有火自上復于下至于王屋
流爲鳥其色赤其聲魄

董仲舒曰
受命之符

墨子赤鳥銜珪

降周之岐社曰命周文王代殷 詩臣工於皇來牟

箋赤烏以牟麥俱來 思文正義書說曰烏有孝名

武王卒父業故烏瑞臻赤周之徵穀記后稷之德禮

說曰武王赤烏穀芒應 史記封禪書周有火德有

赤烏之符 呂氏春秋文王之時赤烏銜丹書集于

周社故其色尚赤 魏志楊阜上疏曰文王有赤烏

之符

許芝曰湯之王白鳥爲符
文王爲西伯赤鳥銜丹書

吳志張紘書曰殷

湯有白鳩之祥周武有赤烏之瑞 宋志武王有火

白天止于王屋流爲赤烏烏銜穀焉 述異記周成

王元年貝多國人獻舞雀周公反命之 韓詩外傳

成王之時越裳氏重九譯而至獻白雉於周公

宋志作越

常

周赤雀

詩文王正義中候我應及雒師謀說文王之事言赤雀丹書易通卦驗言文王得赤鳥而演易是類謀曰受赤雀丹書春秋元命苞曰鳳皇銜丹書於文王之都六藝論言瑞命之事云湯登堯臺見黑鳥至武王渡河白魚躍文王赤雀止於戶秦穆公白雀集於車宋志周文王時赤雀銜丹書來至春秋考異郵黃帝將興有黃雀赤頭立於日旁帝曰黃者土之精赤者火之榮雀者爵也余當王立大功乎

漢赤鴈

武紀太始三年二月

宋志二月五日

行幸東海獲赤鴈作朱

鴈之歌

禮樂志郊祀歌象載瑜十八赤鴈集六紛

員殊翁雜

翁鴈頭

五采文神所見施祉福登蓬萊結

無極

漢甘泉羣鶴

武紀後元元年二月詔曰朕郊見上帝

春正月

巡于北

邊見羣鶴留止以不羅罔靡所獲獻薦于泰時光景

並見其赦天下

漢青雀

初學記洞冥記漢武帝生時有雀羣翔於灞城門改爲青雀門乃飾以錦文石爲列錢之形漢武內傳有蒙山白鳳

漢鳳皇

詳見總瑞

漢紀昭帝始元三年冬十月鳳皇集東

海遣使者祠其處元鳳元年

八月改元

注應劭曰三年中

鳳皇比下東海海西樂鄉於是以冠元

宣帝本始

元年五月鳳皇集膠東千乘四年五月集北海安邱

瀋于

二縣屬北海

地節二年夏四月集魯郡羣鳥從之元

康元年三月詔曰鳳皇集泰山陳留

表是歲少府宋疇坐議鳳皇下

彭城未至京師不足美貶泗水大傳二年三月以鳳皇集賜爵神爵二

年二月詔曰迺者正月乙丑鳳皇甘露降集京師羣

從以萬數其赦天下志幸河東之明年正月鳳皇集

也四年二月詔鳳皇集京師鸞鳳萬舉蜚覽翱翔上

于后土祠旁十月鳳皇十一集杜陵十二月集上林

郊祀志乃作鳳皇殿以答嘉瑞在是年五鳳三年三月辛丑鸞鳳又集

長樂宮東闕中木上飛下止地文章五色留十餘刻

吏民並觀先是鳳皇五至因以改元甘露二年正月詔迺者鳳皇

甘露降集三年二月詔曰迺者鳳皇集新蔡羣鳥四

面行列皆向鳳皇立以萬數 講德論鳳皇來儀翼